

**INFORMACIJA O TOKU REALIZACIJE PODNESENIH INICIJATIVA ZA PODIZANJE
SPOMENIKA OD ZNAČAJA ZA GRAD SARAJEVO U TEKUĆEM I PRETHODNOM
MANDATU GRADSKOG VIJEĆA**

Komisija za spomenike Gradskog vijeća Grada Sarajeva je, na sjednici održanoj 27.04.2018. godine, usvojila Zaključak kojim od nadležne službe Gradske uprave traži pripremu Informacije o toku realizacije podnesenih inicijativa za podizanje spomenika od značaja za Grad Sarajevo u tekućem i prethodnom mandatu Gradskog vijeća Grada Sarajeva.

Obzirom da je Gradsko vijeće Grada Sarajeva razmatralo Informaciju o realizaciji inicijativa za podizanje spomenika u Gradu Sarajevu za mandat 2012.-2016., sa osvrtom na nelegalno postavljene spomenike, ova Informacija se sastoji iz dva dijela i to:

1. Informacija o realizaciji inicijativa za podizanje spomenika u Gradu Sarajevu za mandat 2012.-2016., sa osvrtom na nelegalno postavljene spomenike
2. Informacija o inicijativama za izradnju spomenika za 2017. i 2018. godine

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

INFORMACIJA
O REALIZACIJI INICIJATIVA ZA PODIZANJE SPOMENIKA U GRADU
ZA MANDAT 2012. – 2016., S OSVRTOM NA NELEGALNO POSTAVLJANJE SPOMENIKA

Predlagač: Gradonačelnik Grada Sarajeva
Obrađivač: Gradska služba za komunalne poslove



UVOD

Programom rada Gradskog vijeća Grada Sarajeva za Prvu radnu sjednicu Gradskog vijeća Grada Sarajeva planirano je razmatranje Informacije o realizaciji inicijativa za podizanje spomenika u Gradu za mandat 2012.-2016., sa osvrtom na nelegalno postavljene spomenike.

Razmatranje navedene Informacije je uvršteno na prijedlog Komisije za spomenike Gradskog vijeća, a cilj je upoznavanje vijećnika sa problematikom i procedurama donošenja odluka o (ne)postavljanju spomenika od značaja za Grad Sarajevo kao i sa radom Komisije.

Informacijom su obuhvaćene inicijative podnesene u periodu od 2012. do 2016. godine – realizovane kao i one čije rješavanje je u toku, što će biti dobar osnov za upoznavanje novih članova Komisije sa zadatkom koji se postavlja ispred njih.

Posebno poglavlje Informacije, obrađeno od strane komunalnog inspektora, su nelegalno postavljani spomenici i aktivnosti preduzete po tom pitanju.

I ODLUKA O SPOMENICIMA OD ZNAČAJA ZA GRAD SARAJEVO

Odluku o spomenicima od značaja za Grad Sarajevo donijelo je Gradsko vijeće Grada Sarajeva i ista je objavljena u Službenim novinama Kantona Sarajevo broj: 12/11 i 21/16.

Odlukom su određeni kriteriji za utvrđivanje spomenika od značaja za Grad Sarajevo, vrste spomenika, način podnošenja inicijativa za podizanje spomenika, uslovi i postupak za podizanje spomenika od značaja za Grad Sarajevo kao i način čuvanja, održavanja i zaštite spomenika podignutih u skladu sa Odlukom.

Spomenici u smislu odluke smatraju se skulpture, biste, spomen-kompleksi odnosno obilježja, spomen-česme, spomen-ploče i fontane koji svojim sadržajem, estetskim izgledom i funkcionalnošću namjenjeni očuvanju uspomena na historijske događaje i ličnosti, a to su spomenici kojima se obilježavaju historijski događaji od posebnog značaja za Grad Sarajevo i BiH a koji su obilježili bližu ili dalju historiju i dali poseban doprinos razvoju i afirmaciji Grada Sarajeva i BiH, kao i spomenici podignuti u znak sjećanja na osobe koje su svojim djelovanjem dale poseban doprinos razvoju i afirmaciji Grada Sarajeva i Bosne i Hercegovine, te očuvanju civilizacijskih vrijednosti, multietičnosti i posebnosti Grada Sarajeva i BiH.

Podizanje spomenika je moguće vršiti na lokacijam predviđenim Elaboratom o mogućim lokacijama za postavljanje spomenika, spome-obilježja i spomen-ploča na području grada Sarajeva, a koji su od interesa za Grad Sarajevo, donesen od strane Gradskog vijeća Grada Sarajevo.

Odlukom je također definisano i osnivanje Komisije za spomenike Gradskog vijeća Grada Sarajeva, broj i struktura članova Komisije, definisan je okvirni zadatak Komisije kao i sam rad Komisije.

Djelokrug rada Komisije za spomenike Gradskog vijeća Grada Sarajeva detaljno je definisan članom 56. Poslovnika o radu Gradskog vijeća Grada Sarajeva ("Službene novine Kantona Sarajevo" broj: 28/09).

Zadatak Komisije je da:

- a) razmatra i procjenjuje inicijative za podizanje spomenika sa stanovišta značaja za Grad Sarajevo;
- b) kada ocjeni da je podnesena inicijativa prihvatljiva, svoj prijedlog odluke o podizanju obrazložen stavovima i mišljenjima upućuje Gradskom vijeću Grada Sarajeva na konačno odlučivanje;
- c) u slučaju da ocjeni da podnesena inicijativa nije prihvatljiva, upućuje obrazloženo mišljenje podnosiocu inicijative;
- d) daje mišljenje i prijedloge te izvještava Gradsko vijeće po pitanjima iz oblasti za koju je osnovana;
- e) vrši i druge poslove određene Poslovníkom i drugim aktom Gradskog vijeća Grada Sarajeva.

Odlukom o spomenicima od značaja za Grad Sarajevo predviđeno je da Komisija ima 7 članova a da istu sačinjavaju vijećnici Gradskog vijeća Grada Sarajeva, ugledni stručnjaci, naučni i javni djelatnici iz predmetne oblasti.

Konačnu odluku o podizanju spomenika od značaja za Grad Sarajevo donosi Gradsko vijeće Grada Sarajeva.

Stručne i administrativno-tehničke poslove vezane za provođenje Odluke vrši Službe za komunalne poslove.

Inspeksijski nadzor nad provođenjem Odluke vrši gradski komunalni inspektor.

II REALIZOVANE INICIJATIVE

U periodu od 2012. do 2016. godine Gradsko vijeće Grada Sarajeva donijelo je odluke o podizanju pet spomenika od značaja za Grad Sarajevo.

Investitori podizanja spomenika su podnosioci inicijativa, izuzev spomen ploče šehidima i poginulim borcima specijalne jedinice „Zagreb“ za što je u Budžetu Grada Sarajeva za 2016. godinu obezbjedeno 2.000,00KM.

Podnosioci inicijativa su preduzimali sve aktivnosti na pribavljanju potrebnih saglasnosti i odobrenja za podizanje spomenika. Neki od tih spomenika su već podignuti., dok je izgradnja nekih u toku.

1. Spomen ploča Senadu Šećeroviću i Dževadu Resiću

U cilju obilježavanja mjesta pogibije Senada Šećerovića i Dževada Resića, koji su 26. aprila 1992. godine ubijeni pucnjevima iz pješadijskog oružja dok su se nalazili u automobilu ispred Kasarne na Bistriku, Općinsko vijeće Općine Strari Grad je pokrenulo Inicijativu za podizanje spomenika – spomen ploče. Predloženo je postavljanje mermerne ploče uz ogradni zid u ulici Hamdije Kreševljakovića broj 96.



Inicijativa je upućena Gradskom vijeću Grada Sarajeva i Gradu Sarajevo, kao nadležnom organu po osnovu Odluke o spomenicima od značaja za Grad Sarajevo.


Komisija za spomenike je, nakon razmatranja Inicijative, donijela odluku da je spomenik od značaja za Grad Sarajevo i predložila Gradskom vijeću Grada Sarajeva donošenje ove Odluke.

Gradsko vijeće Grada Sarajeva, na sjednici održanoj 29.05.2012. godine, donijelo je Odluku o postavljanju spomen ploče na mjestu pogibije Senada Šećerovića i Dževada Resića ispred kasarne na Bistriku.

2. Spomen ploče Mišić Samiru

Udruženje boraca Prva samostalna brigada Stup - Ilidža podnijelo je inicijativu za podizanje spomen obilježja Mišić Samiru. Predloženo je postavljanje spomen obilježja u krugu Policijske akademije na Vracama, a prema priloženom idejnom rješenju koji je sastavni dio podnesene inicijative.

Inicijativa je upućena Gradskom vijeću Grada Sarajeva i Gradu Sarajevo, kao nadležnom organu po osnovu Odluke o spomenicima od značaja za Grad Sarajevo.




Komisija za spomenike je, nakon razmatranja Inicijative, donijela odluku da je spomenik od značaja za Grad Sarajevo i predložila Gradskom vijeću Grada Sarajeva donošenje ove Odluke.

Odluka o postavljanju spomen ploče Mišić Samiru donesena je na sjednici Gradskog vijeća održanoj 24.02.2016. godine.

3. Spomen ploča šehidima i poginulim borcima specijalne jedinice „Zagreb“

Udruženje boraca Specijalna jedinica „Zagreb“ je, putem općine Centar Sarajevo, podnijelo Inicijativu za postavljanje spomen ploče šehidima i poginulim borcima specijalne jedinice „Zagreb“ na lokalitetu hotela „Zagreb“.




Prvobitno predviđena lokacija za postavljanje ove spomen ploče bila je fasada hotela Zagreb, ulica Valtera Perića broj 1, međutim, nakon pribavljanja mišljenja Federalnog Zavoda za zaštitu spomenika, odlučeno je da se postavi slobodnostojeća spomen ploča pored hotela Zagreb.

Komisija za spomenike je, nakon razmatranja Inicijative, donijela odluku da je spomenik od značaja za Grad Sarajevo i predložila Gradskom vijeću Grada Sarajeva donošenje ove Odluke.

Odluku o postavljanju spomen ploče donijelo je Gradsko vijeće Grada Sarajeva na sjednici održanoj 28.09.2016. godine.

4. Spomen obilježja šehidima i poginulim borcima općine Stari Grad Sarajevo

Udruženje organizacije porodica šehida i poginulih boraca Stari Grad Sarajevo, podnijelo Inicijativu za podizanje spomen obilježja šehidima i poginulim borcima općine Stari Grad. Inicijativa je podnesena putem Općine Stari Grad.



Mjesto predviđeno za podizanje spomen obilježja je trg između ulice Bistrik i ulice Obala Isakbegova Ishakovića. Uz podnesenu Inicijativu dostavljeno je i idejno rješenje spomen obilježja.

Inicijativa je upućena Gradskom vijeću Grada Sarajeva i Gradu Sarajevo, kao nadležnom organu po osnovu Odluke o spomenicima od značaja za Grad Sarajevo.

Komisija za spomenike je, nakon razmatranja Inicijative, donijela odluku da je spomenik od značaja za Grad Sarajevo i predložila Gradskom vijeću Grada Sarajeva donošenje ove Odluke.

Gradsko vijeće Grada Sarajeva je na 45. sjednici održanoj 28.12.2016. godine donijelo Odluku o podizanju spomen obilježja šehidima i poginulim borcima općine Stari Grad. Odluka o podizanju spomen obilježja šehidima i poginulim borcima Općine Stari Grad je objavljena u Službenim novinama Kantona Sarajevo broj: 3/17.

5. Spomenika bosanskim specijalcima

Udruženje veterana - Veterani odreda policije „Bosna“ Kantona Sarajevo je, putem općine Centar Sarajevo, podnijelo Inicijativu za podizanje spomenika bosanskim specijalcima.



Predložena mikrolokacija za podizanje spomenika se nalazi u sredini parka kod II Gimnazije, a preko puta bivše Ambasade USA u ulici Alipašina, i ista je predviđena kao moguća lokacija za podizanja spomenika shodno Elaboratu o mogućim lokacijama za postavljanje spomenika, spomen obilježja i spomen ploča na području Grada Sarajeva.

Inicijativa je upućena Gradskom vijeću Grada Sarajeva i Gradu Sarajevo, kao nadležnom organu po osnovu Odluke o spomenicima od značaja za Grad Sarajevo.

Odluku o podizanju spomenika bosanskim specijalcima u parku kod II Gimnazije je donijelo Gradsko vijeće Grada Sarajeva na sjednici održanoj dana 27.07.2016. godine i ista je objavljena u Službenim novinama Kantona Sarajevo.

III AKTUELNE INICIJATIVE

Podnesene su sljedeće inicijative čija realizacija još uvijek nije okončana:

- Inicijativa za podizanje spomen obilježja na lokalitetu Kazana;
- Inicijativa za podizanje spomen obilježja svim poginulim braniteljima HVO Sarajevo i Hrvatske brigade „Kralj Tvrtko” u Sarajevu;
- Inicijativa Gradonačelnika Grada Sarajeva za podizanje spomenika „Ženi Sarajeva” kao simbolu opstanka grada Sarajeva;
- Inicijativa za postavljanje biste za Kemala Montena;
- Inicijativa za podizanje spomenika osnivaču Grada Sarajeva Isa-begu Ishakoviću;
- Inicijativa za postavljanje spomen ploče u Velikom parku;
- Inicijativa za podizanje spomen obilježja Ričardu Holbruku.

Slijedi pojedinačni pregled Inicijativa:

1. Inicijativa za podizanje spomen obilježja na lokalitetu Kazana

Inicijativa je razmatrana na sjednici Komisije 16.02.2012. godine, i tom prilikom su doneseni sljedeći zaključci:

- Komisija konstatira da je Inicijativa predložena u skladu s kriterijima za utvrđivanje spomenika od značaja za Grad Sarajevo iz Odluke o spomenicima od značaja za Grad Sarajevo.
- Komisija upućuje Inicijativu sa svojim zaključkom Gradonačelniku na dalje postupanje u skladu s gradskim propisom.
- Komisija sugerira Gradonačelniku da poduzme mjere i aktivnosti kako bi se prioritet dao podizanju spomen obilježja ubijenim građanima Sarajeva u periodu 92-95.

Komisija za spomenike je, dana 12.11.2013. godine, uputila Inicijativu koja je razmatrana na 9. sjednici Gradskog vijeća, održanoj 23.12.2013. godine i koju je Gradsko vijeće podržalo, te je postala Inicijativom Gradskog vijeća, a glasi:

"Komisija za spomenike upućuje inicijativu Gradskom vijeću da se zaduži Gradonačelnik da u najkraćem mogućem roku prikupi informacije od nositelja projekta i Gradsko vijeće informira o projektu izgradnje spomenika na Kazanima, a u kontekstu djelokruga Grada Sarajeva, odnosno Komisije za spomenike Gradskog vijeća."

Gradonačelnik je, dana 25.02.2014. godine, za 11. sjednicu Gradskog vijeća, (aktom zaprimljenim pod brojem: 01-05-387/14), dostavio sljedeći odgovor:

Odgovor:

„Dana 08.11.2012. godine Predsjednik Federacije BiH Svetozar Pudarić uputio je pismo tadašnjem gradonačelniku Aliji Behmenu u kojem moli da se u "okviru nadležnosti i na način propisan aktima Grada Sarajeva pokrene procedura koja će dovesti do obilježavanja stratištu nevinih Sarajlija" na lokaciji Kazani. Na osnovu ovoga gradonačelnik je Komisiji za spomenike Gradskog vijeća po osnovu člana 5. Odluke o spomenicima od značaja za grad podnio "inicijativu za podizanje spomen obilježja žrtvama zločina na Kazanima". Na sjednici Komisije za spomenike održanoj 16.02.2012. godine razmatrana je navedena inicijativa, te je na prijedlog Predsjedavajuće, pod tačkom 2. usvojen sljedeći zaključak:

- Komisija konstatira da je inicijativa predložena u skladu sa kriterijima za utvrđivanje spomenika od značaja za Grad Sarajevo iz Odluke o spomenicima od značaja za Grad Sarajevo;

- Komisija upućuje inicijativu sa svojim zaključkom Gradonačelniku na dalje postupanje u skladu sa gradskim propisima;
- Komisija sugerira Gradonačelniku da preduzme mjere i aktivnosti kako bi se prioritet dao podizanju spomen obilježja ubijenim građanima Sarajeva 92-95.

Dana 17.12.2012. godine od Zavoda za planiranje KS upućen je radni materijal projektnog programa za izradu urbanističko-arhitektonskog rješenja spomen-obilježja Kazani radi aktivnosti Grada na raspisivanju konkursa za idejno rješenje u cilju kompletiranja inicijative.

Na sjednici Komisije za spomenike održane 12.11.2012. godine pod tačkom 4. "Nacrt Programa rada Gradskog vijeća Grada Sarajeva za 2013. godinu", poslije rasprave u kojoj su učestvovali svi članovi Komisije, na prijedlog Predsjedavajućeg jednoglasno je usvojen sljedeći zaključak:

- Komisija sugerira Gradskom vijeću Grada Sarajeva da razmatra Nacrt Programa rada Gradskog vijeća Grada Sarajeva za 2013. godinu kako je predložen i uputi ga u javnu raspravu;
- Kao prilog javnoj raspravi, Komisija insistira na tome da se u Prijedlog Programa rada Gradskog vijeća Grada Sarajeva za 2013. godinu utvrdi jasan, što skoriji, rok za donošenje Elaborata o spomenicima od značaja za Grad Sarajevo, te da se u Prijedlog Programa uvrsti donošenje odluka o podizanju spomenika, za čije donošenje je uvjet bila izrada Elaborata i to:
 1. Prijedlog Odluke o podizanju spomen obilježja ubijenom učeniku Denisu Mrnjavcu;
 2. Prijedlog Odluke o podizanju spomen obilježja svim poginulim braniteljima HVO Sarajevo i Hrvatske brigade "Kralj Tvrtko";
 3. Prijedlog Odluke o podizanju spomen obilježja "Kazani";
 4. Prijedlog Odluke o podizanju spomen obilježja "Dobrovoljačka".

Odlukom o spomenicima od značaja za Grad Sarajevo u članu 4. definisano je da se podizanje spomenika vrši u skladu sa Elaboratom o spomenicima od značaja za Grad Sarajevo. Elaborat treba da sadrži definisane lokacije i prostore na području Grada Sarajeva na kojima se može planirati dizanje spomenika, te usmjerenjima o vrstama spomenika koji se mogu podizati.

Elaborat o spomenicima predviđa lokaciju Kazana kao moguću lokaciju za postavljanje spomen obilježja. Potrebno je da podnosioc inicijative, u ovom slučaju Gradonačelnik Grada Sarajeva, izvrši upotpunu inicijative sljedećim elementima:

- idejnim rješenjem spomenika;
- precizno određenom mikrolokacijom, i
- podacima o načinu finansiranja podizanja spomenika.

Krajem 2012. godine i početkom 2013. godine je Grad Sarajevo, u saradnji sa Kabinetom Potpredsjednika FBiH, pokrenuo aktivnosti na pripremi idejnog rješenja spomen-obilježja Kazani. Naime, dana 11.01.2013. godine zaključen je Ugovor o partnerstvu na realizaciji projekta Grada Sarajeva „Program za spomen-obilježje Kazani“ kojim je, između ostalog, dogovoreno finansijsko učešće Kabineta Potpredsjednika Federacije Bosne i Hercegovine za usluge realizacije pozivnog konkursa za izradu cjelovitog projekta obilježavanja mjesta ratnog zločina u iznosu od 5.000.00KM. Ova sredstva su uplaćena na račun Grada Sarajeva, a eventualno nedostajuća sredstva za izradu projekta trebao je osigurati Grad Sarajevo.

U cilju realizacije ovog ugovora, pripremljen je projektni program za izradu urbanističko-arhitektonskog rješenja spomen-obilježja Kazani od 18.12.2012. godine i donesena je Odluka o raspisivanju konkursa za izradu idejnog rješenja spomen-obilježja Kazani i Rješenje o imenovanju žirija. Obzirom na činjenicu da sama izrada idejnog rješenja iziskuje dodatna finansijska sredstva, Grad Sarajevo nije pokretao aktivnosti za izradu idejnog rješenja.

2. Inicijativa za podizanje spomen obilježja svim poginulim braniteljima HVO Sarajevo i Hrvatske brigade „Kralj Tvrtko” u Sarajevu

Udruga organizatora otpora, umirovljenih i demobiliziranih branitelja HVO Sarajevo je podnijela Inicijativu za podizanje spomen obilježja svim poginulim braniteljima HVO Sarajevo i Hrvatske brigade „Kralj Tvrtko” u Sarajevu. Inicijativa je dostavljena u Gradsku upravu Grada Sarajeva dana 01.07.2011. godine. Obzirom na činjenicu da je Odlukom o spomenicima od značaja za Grad Sarajevo („Službene novine Kantona Sarajevo” broj:12/11) propisano da se inicijativa dostavlja isključivo putem općine na čijem području se planira postaviti spomen-obilježje, Inicijativa je ponovno dostavljena putem Općine Centar Sarajevo dana 10.12.2012. godine.

Inicijativa je razmatrana na sjednici Komisije za spomenike Gradskog vijeća Grada Sarajeva održanoj dana 14.03.2012. godine, i tom prilikom su doneseni sljedeći zaključci:

- Komisija za spomenike Gradskog vijeća cijeni da je Inicijativa za podizanje spomen obilježja svim poginulim braniteljima HVO Sarajevo i Hrvatske brigade „Kralj Tvrtko” u Sarajevu od značaja za Grad Sarajevo i da je predložena u skladu s kriterijima za utvrđivanje spomenika od značaja za Grad Sarajevo iz člana 2. ove Odluke.
- Komisija upućuje Inicijativu s ovim zaključkom Gradonačelniku na dalje postupanje u skladu s navedenim propisom.

Podnosilac Inicijative je 05.05.2012. godine upotpunio Inicijativu traženim elementima i ista je zajedno sa prijedlogom Odluke o podizanju spomen obilježja dostavljena Komisiji na konačno odlučivanje. Predloženo je postavljanje spomen obilježja u naselju Marijin Dvor – ulica Kranjčevićeva.

Komisija za spomenike Gradskog vijeća Grada Sarajeva je na sjednici održanoj 11.06.2012. godine razmatrala prijedlog Odluke o podizanju spomen obilježja kojom prilikom su doneseni sljedeći Zaključak:

- Komisija za spomenike utvrđuje prijedlog Odluke o postavljanju spomen obilježja svim poginulim braniteljima HVO Sarajevo i Hrvatske brigade „Kralj Tvrtko“ u Sarajevo, s tim što će se predložena odluka uputiti Gradskom vijeću na razmatranje i usvajanje po donošenju Elaborata o spomenicima od interesa za Grad Sarajevo“

Podosilac inicijative je o donesenom zaključku obaviješten 13.06.2012.godine.

Elaborat je usvojen, lokacija za podizanje spomen obilježja je predviđena u ulici Kranjčevićeva – Marijin Dvor (šifra c19).

3. Inicijativa Gradonačelnika Grada Sarajeva za podizanje spomenika „Ženi Sarajeva“ kao simbolu opstanka grada Sarajeva

Inicijativa za podizanje spomenika/skulpture Ženi Sarajeva je pokrenuta od strane Udruženja „Obrazovanje građi BiH“ i grupe građana i građanki, a podnio ju je Gradonačelnik Grada Sarajeva u skladu sa Odlukom o spomenicima od značaja za Grad Sarajevo.

Inicijativa je razmatrana na sjednici Komisije 09.07.2015. godine, i tom prilikom su doneseni sljedeći zaključci:

- Komisija za spomenike je razmotrila Inicijativu za podizanje spomenika „Ženi Sarajeva“ kao simbolu opstanka grada Sarajeva, te je konstatovala da je Inicijativa podnijeta u skladu sa članom 2. Odluke o spomenicima od značaja za Grad Sarajevo („Službene novine Kantona Sarajevo“, broj 12/11).
- Komisija za spomenike predlaže podnosiocu Inicijative da Inicijativu dopuni u skladu sa članom 5. i 6. Odluke o spomenicima od značaja za Grad Sarajevo, odnosno da Inicijativu dopuni preciznom lokacijom, idejnim rješenjem, načinom finansiranja izrade i podizanja spomenika.

Nadležna Služba je dana 03.08.2015. godine obavijestila pokretače inicijative o donesenim zaključcima odnosno uputila zahtjev za upotpunom inicijative sljedećim elementima:

- idejnim rješenjem spomenika;
- precizno određenom mikrolokacijom, i
- podacima o načinu finansiranja podizanja spomenika.

Shodno Odluci o spomenicima od značaja za Grad Sarajevo, podnosilac inicijative je dužan dopunu izvršiti u roku od 60 dana od dana prijema zahtjeva, osim ako idejno rješenje ne podrazumijeva provođenje konkursne procedure.

Dana 14.10.2015. godine, pod brojem 09-23-3981-1/15, Služba za komunalne poslove je uputila Komisiji akt sa Informacijom o aktivnostima na realizaciji Inicijative od strane Udruženja „Obrazovanje gradi Bosnu i Hercegovinu“. Iz priloženog akta je vidljivo da podnosilac inicijative još uvijek nije prikupio potrebnu dokumentaciju za daljnje postupanje po Odluci o spomenicima i da je pripremljen konkurs za izradu idejnog rješenja, te je iz tog razloga i produžen rok za upotpunu inicijative.

Obzirom na činjenicu da Odlukom nije preciziran rok do kojeg se može produžiti upotpuna inicijative, nakon završetka konkursne procedure i upotpune inicijative svim traženim elementima, Služba za komunalne poslove će postupiti u skladu sa Odlukom o spomenicima odnosno pripremiti Odluku o podizanju spomenika za Gradsko vijeće Grada Sarajeva.

4. Inicijativa za postavljanje biste za Kemala Montena

Inicijativu za postavljanje biste Kemala Montena u parku kod FIS-a između bisti Mirze Delibašića i Davorina Popovića uputila je NVO “Dječiji pokret za mir, ljubav i prijateljstvo” dana 23.01.2015. godine.

Komisija za spomenike Gradskog vijeća Grada Sarajeva je na sjednici održanoj 09.03.2015. godine razmatrala ovu inicijativu i donijela slijedeće zaključke:

- Komisija konstatira da inicijativa nije upućena u skladu sa članom 5. Stav (1) Odluke o spomenicima od značaja za Grad Sarajevo
- Gradonačelnik će Nevladinu organizaciju “Dječiji pokret za mir, ljubav i prijateljstvo” upoznati sa gradskim propisom, odnosno propisanom procedurom upućivanja inicijative za podizanje spomenika Gradu Sarajevu.

Inicijativa je dostavljena od strane Općine Centar i ista će biti predmet razmatranja na sjednici Komisije za spomenike Gradskog vijeća Grada Sarajeva.

5. Inicijativa za podizanje spomenika osnivaču Grada Sarajeva Isa-begu Ishakoviću

Gradsko vijeće Grada Sarajeva je na 43. Sjednici, na prijedlog Komisije za spomenike, usvojilo zaključak da se zadužuje Gradonačelnik da pokrene aktivnosti s ciljem da Grad Sarajevo podigne spomenik osnivaču Grada Sarajeva Isa-begu Ishakoviću.

S tim u vezi, pokrenute su aktivnosti na realizacije ove Inicijative koje se ogledaju u donošenju Odluke o pristupanju i izradi projekta podizanja spomenika osnivaču Sarajeva Isa-begu

Ishakoviću koja će se naći na dnevnom redu sjednice Gradskog vijeća Grada Sarajeva u mjesecu aprilu 2017. godine.

6. Inicijativa za postavljanje spomen ploče u Velikom parku

Komisija za spomenike Gradskog vijeća Grada Sarajeva je, na sjednici održanoj 23.05.2016. godine, uputila Inicijativu da se na lokaciji u Velikom parku postavi spomen ploča poginulim pripadnicima Vojen policije Armije Bosne i Hercegovine.

Inicijativa je dostavljena Fondu Kantona Sarajevo za zaštitu i očuvanje grobalja šehida i poginulih boraca, memorijalnih centara i spomen obilježja žrtava genocida kako bi se Fond odredio o istoj. Fond je izjavio da je saglasan po pitanju postavljanja spomen ploče u Velikom parku ali da Fond nije nadležan za postavljanje iste, te da nadležnost pripada Zavodu za zaštitu kulturno-historijskog i prirodnog naslijeđa Kantona Sarajevo. Na prijedlog Fonda, održan je zajednički sastanak sa predstavnicima Zavoda, Fonda i Grada, i tom prilikom je dogovoreno da Fond dostavi prijedlog spomenika – centralnog nišana poginulim pripadnicima Vojne policije Armije Bosne i Hercegovine u Velikom parku, što je i učinjeno 01.11.2016. godine. Zavod još uvijek nije dostavio svoju saglasnost.

7. Inicijativa za podizanje spomen obilježja Ričardu Holbruku

Inicijativa je upućena od strane zamjenika predsjedavajućeg Gradskog vijeća Grada Sarajeva Mire Lazovića, a ista je jednoglasno podržana od strane gradskih vijećnika Gradskog vijeća Grada Sarajeva.

Realizacija ove Inicijative je u toku. Ambasadi Sjedinjenih Američkih Država u Sarajevu upućen je prijedlog da se ovo spomen obilježje postavi ispred Ambasade u vidu spomen ploče sa dvojezičnim tekstom koji bi bio posvećen g. Ričardu Holbruku i diplomaciji SAD-a na uspostavljanju mira u BiH. Do danas Ambasada se nije očitovala.

VI NEPOTPUNE INICIJATIVE

Realizacije jednog broja inicijativa nije privedena kraju. U većini slučajeva radi se o inicijativama koje su bile predmet razmatranja na sjednicama Komisije za spomenike Gradskog vijeća Grada Sarajeva.

Komisija za spomenike je o predmetnim inicijativama donijela određene zaključke (uglavnom zahtjeve za dopunu inicijativa), međutim, podnosioci inicijativa se nisu odredili o donesenim zaključcima u predviđenom roku.

Shodno članu 6. Odluke o spomenicima od značaja za Grad Sarajevo, Podnosilac inicijative je dužan upotpuniti istu u roku od 60 dana od dana dostavljanja zahtjeva za upotpunu, osim ako idejno rješenje ne podrazumijeva provođenje konkursne procedure.

Radi se o sljedećim inicijativama:

- Inicijativa za postavljanje spomen ploče o međunarodnom sukobu u bivšoj ulici Dobrovoljačka;
- Zahtjev za odobrenje za postavljanje spomen obilježja koji je uputila Republička organizacija porodica zarobljenih i poginulih boraca i nestalih lica Republike Srpske;
- Inicijativa za donošenje odluke za postavljanje spomenika ubijenom učeniku Denisu Mrnjavcu;
- Inicijativa za podizanje Spomen obilježja „Memorijalna zona-Sarajevo 2014“;
- Inicijativa Inicijativnog odbora za podizanje spomen obilježja bosanskom kralju Tvrtku I Kotromaniću (Katarina Kosača);
- Inicijativa o podizanju spomenika „Bosanski nacionalni memorijalni spomenik“;
- Inicijativa udruženja boraca Branioci Bosne;
- Inicijativa Udruženja policije Općine Centar za izgradnju spomenika;
- Inicijativa za podizanje spomen obilježja 105. brigade Armije BiH;
- Inicijativa za podizanje spomen ploče poginulim braniteljima HVO Grada Sarajeva;
- Inicijativa za postavljanje spomen ploče na Vrbanja mostu u znak sjećanja na poginule Admiru Ismić i Boška Brkića;
- Inicijativa za postavljanje i otkrivanje biste T.G Masarayka;

V ODBIJENE INICIJATIVE

1. Inicijativa za postavljanje spomen ploče Vinku Šamarliću

Udruženje veterana – Veterani odreda policije Bosne podnijelo je Inicijativu za obilježavanje mjesta pogibije Vinka Šamarlića postavljanjem spomen ploče.

Komisija za spomenike Gradskog vijeća Grada Sarajeva razmatrala navednu Inicijativu na sjednici održanoj dana 13.06.2016. godine, kojom prilikom je donijela sljedeće zaključke:

- Komisija je razmotrila podnesenu inicijativu i konstatuje da postavljanje ove ploče nije od interesa za Grad Sarajevo, te upućuje Općinu Novo Sarajevo da spomen obilježje podigne u skladu sa svojim propisima.

- Komisija podržava postavljanje ovog spomen obilježja i mišljenja je da postavljanje ploče ne remeti prostorne odnose, iako Elaboratom o spomenicima od značaja za Grad Sarajevo nije utvrđena lokacija za podizanje spomenika

Podnosilac Inicijative je upućen da predmetnu inicijativu realizuje putem nadležne općine.

2. Inicijativa za izgradnju spomen obilježja u ulici Muhameda Hadžijahića

Općinski vijećnik Haris Fazlagić je, u ime građana ulice Muhameda Hadžijahića broj 10,12, i 14 podnio Inicijativu za izgradnju spomen obilježja na mjestu gdje je od jedne granate poginulo pet, a teže i lakše ranjeno devetnaest sugrađana.

Navedenu Inicijativu je razmatrala Komisija za spomenike na sjednici održanoj dna 26.01.2016. godine i tom prilikom su doneseni sljedeći zaključci:

- Komisija je stava da podizanje spomen obilježja koji se predlaže u Inicijativi nije od značaja za Grad Sarajevo u skladu sa članom 2. Odluke o spomenicima od značaja za Grad Sarajevo.
- Podnosiocu Inicijative je potrebno uputiti obrazloženje i usmjeriti da inicijativu realizira na drugi način kako su realizirane slične inicijative za obilježavanje lokacija grupnog stradanja građana putem općine.

Podnosilac Inicijative je upućen da predmetnu inicijativu realizuje putem Općine Centar Sarajevo.

3. Inicijativa za odobrenje gradnje Spomen obilježja žrtvi opsade Sarajeva Nerminu Divoviću ispred Zemaljskog muzeja i Filozofskog fakulteta

Inicijativa je razmatrana na sjednici Komisije 08.12.2014. godine, i tom prilikom je donesen sljedeći zaključak:

- Komisija za spomenike konstatuje da se inicijative za podizanje spomenika ne razmatraju dok se ne donese Elaborat o spomenicima od značaja za Grad Sarajevo (očekuje se u januaru mjesecu 2015. godine).

Nakon donošenja Elaborata, konstatovano je da je spomen obilježje već postavljeno bez predthodne odluke, te da je potrebno da ista bude predmet inspekcijskog nadzora.

4. Inicijativa za podizanje spomen obilježja ženama koje su dale život za Bosnu i Hercegovinu

Podnosilac Inicijative je Nedžad Ajnadžić kao vijećnik Općinskog vijeća Općine Centar. Inicijativa se odnosi na to da se na području općine Centar izradi arhitektonsko rješenje i predloži prostor na adekvatnom mjestu u urbanoj zoni grada za podizanje spomen obilježja na kojem će biti ispisana sva imane žena koje su dale život za izgradnju državnosti i nezavisnosti države Bosne i Hercegovine, kao i onih koje su dale život neposedno u borbi protiv agresora u jedinicama Prvog korpusa Armije BiH Ministarstva unutrašnjih poslova.

Inicijativa je razmatrana na sjednici Komisije za spomenike održanoj 06.05.2015. godine kojom prilikom je donesen sljedeći zaključak:

- Komisija za spomenike upućuje sugestiju podnosiocu inicijative da istu još jednom preispita imajući u vidu da je Elaboratom o spomenicima predviđena izgradnja spomenika za sve žrtve rata na Trgu Oslobođenja Alije Izetbegovića, a za što je lokacija predviđena u Elaboratu.

Podnosilac Inicijative je obavješten o donesenom zaključku.

VI NELEGALNO POSTAVLJENI SPOMENICI

Shodno odredbama Odluke o spomenicima za Grad Sarajevo (Službene novine KS broj 12 /11) gradski komunalni inspektor je vršio inspekcijski nadzor po pitanju spomen obilježja Majki Terezi ispred ulaza u crkvu Svetog Josipa na Marin dvoru i spomen obilježja (kamena ploča) sa natpisom sa imenom Nermina Divovića, locirana na travnjaku ispred Filozofskog fakulteta u Sarajevu.

Po zahtjevu inspektora, općinska Služba za prostorno uređenje općine Centar Sarajevo i komunalne poslove dostavila je obavijest inspektorima da ista nije izdavala Odobrenje za postavljanje istih.

Inspekcija je postupala je u skladu sa odredbama člana 65.stav (4) ZUP-a i predmete dostavila nadležnoj urbanističko-građevinskoj inspekciji na rješavanje shodno odredbama Zakona o prostornom uređenju Kantona Sarajevo.


Napominjemo da je Crkva Svetog Josipa na Marin Dvoru registrovana pod brojem 541 Liste nacionalnih spomenika u BiH i čl.14 inspekcijski nadzor po Zakonu o zaštiti dobara koja su odlukama Komisije za zaštitu nacionalnih spomenika u BiH proglašena kao nacionalni spomenik vrši urbanističko-građevinska inspekcija po Zakonu o prostornom uređenju a odredbom člana 13. pomenutog zakona nadzor vrši Federalno Ministarstvo prostornog uređenja i okoliša.



Broj:01-02-476/17
Sarajevo,13.03.2017. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na sjednici održanoj 13.03.2017. godine, primilo je k znanju

Informaciju o realizaciji inicijativa za podizanje spomenika u gradu, za mandat 2012.-2016., s osvrtom na nelegalno postavljanje spomenika.



PREDSJEDAVAJUĆI GRADSKOG VIJEĆA

Igor dr. Gavrić

INFORMACIJA O INICIJATIVAMA ZA IZRADNJU SPOMENIKA ZA 2017. I 2018. godine

Tokom 2017. i 2018. godine nije došlo do realizacije nijedne inicijative koja je obuhvaćene ranijom Informacijom.

U nastavku je dat pregled novopristiglih inicijativa tokom 2017. i 2018. godine o kojim Služba za urbano planiranje, investicije, stambene i komunalne poslove ima evidenciju:

AKTUELNE INICIJATIVE ČIJA REALIZACIJA JE U TOKU:

1. Inicijativa za izgradnju spomenika Bamford Grahamu

Podnosilac Inicijative: Safege Bosnia

Inicijativa razmatrana na sjednici Komisije za spomenike dana 10.06.2017. godine

Zaključak Komisije:

„1.Komisija za spomenike konstatira da se Inicijativa odnosi na spomenik od značaja za Grad Sarajevo u skladu sa članom 2. stav (1) alineja druga Odluke o spomenicima od značaja za Grad Sarajevo (“Službene novine Kantona Sarajevo” broj: 12/11 i 21/16).

2.Komisija za spomenike konstatira da inicijativa nije podnesena u skladu sa gradskim propisom, te je potrebno da Gradonačelnik, putem nadležne službe, podnosioca uputi na procedure tako da se inicijativa podnese putem gradske općine i da sadržava sve elemente utvrđene članom 6. stav 4. gradskog propisa.

3.Komisija konstatira da lokacija za podizanje spomenika, predložena u podnesenoj inicijativi, nije sadržana u Elaboratu o spomenicima od značaja za Grad Sarajevo i ne može se prihvatiti kao potencijalna lokacija, te se sugerira podnosiocu da razmotri i predloži drugu lokaciju za podizanje spomenika, u skladu sa Elaboratom o spomenicima na području Grada Sarajeva“

Realizacija: Podnosilac upućen u proceduru aktom od 18.05.2017. godine na koji se nije očitovao do momenta sačinjavanja informacije.

2. Izgradnja spomen obilježja na lokalitetu Pionirske doline

Podnosilac inicijative: Općina Centar Sarajevo

Inicijativa razmatrana na sjednici održanoj dana 10.06.2017. godine

Zaključak Komisije:

“Komisija za spomenike je razmotrila inicijativu i konstatira da inicijativa nije podnesena u skladu sa Odlukom o spomenicima od značaja za Grad Sarajevo (“Službene novine Kantona Sarajevo” broj: 12/11 i 21/16), da obrazloženje podnesene inicijative ne sadrži dovoljno elemenata da bi se Komisija mogla odrediti o tome inicira li se podizanje spomenika od značaja za Grad Sarajevo, te da je potrebno inicijativu dopuniti, u svemu u skladu sa navedeni gradskim propisom”

Realizacija: Podnosilac inicijative aktom od 18.05.2017. godine obavješten o Zaključku i upućen na proceduru. Odgovor još uvijek nismo dobili.

3. Podizanje spomen-ploče HVO Sarajevo na području MZ Čengić Vila

Podnosilac inicijative Udruga organizatora otpora, umirovljenih i demobiliziranih branitelja HVO Sarajevo

Inicijativa razmatrana na sjednici održanoj 20.09.2017., 14.11.2017. i 11.04.2018. godine
Zaključak Komisije za spomenike sa sjednice od 14.11.2017. godine:

„1. Komisija za spomenike je razmotrila dopunu Inicijative za podizanje spomen ploče HVO Sarajevo na području MZ Čengić Vila 1 i konstatira da je predmet dopunjen u skladu sa zaključcima Komisije za spomenike.

2. Komisija za spomenike konstatira da je inicijator, između ostalog, naveo da se očekuje da će Grad Sarajevo sufinansirati podizanje spomenika, te se ne može dalje određivati o ovom predmetu dok ne dobije od Gradonačelnika očitovanje o predloženom sufinansiranju iz Budžeta Grada Sarajeva.

3. Komisija za spomenike je stava da je možda tekst potrebno preformulirati tako da više bude usmjeren na spomen poginulim u odnosu na formu organizacije i to tako da tekst započinje sa činjenicama o braniteljima, odnosno početkom trećeg pasosa a da prvi pasos predloženog tekstapostane treći ta da tekst ne počinje definicijom – vojno političke organizacije.

Potrebno je na sljedeću sjednicu Komisije za koju se očekuje očitovanje Gradonačelnika, pozvati i predsjednika udruženja – inicijatora kako bi dodatno obrazložio inicijativu“.

Zaključak Komisije za spomenike sa sjednice održane 11.04.2018. godine:

„1. Komisija za spomenike konstatira da nije dobila odgovor odnosno očitovanje Gradonačelnika o zaključku Komisije donesenom na sjednici održanoj 20.09.2017. godine i ponovo upućenom zaključku Gradonačelniku dana 14.11.2017. godine a vezano za upit o eventualnom sufinansiranju podizanja spomenika od strane Grada.

2. Komisija upućuje zahtjev Gradonačelniku da se što je prije moguće očituje o ranije dostavljenom zaključku Komisije kako bi Komisija mogla nastaviti sa radom po podnesenoj inicijativi“.

Realizacija: Čeka se izjašnjenje Gradonačelnika.

4. Podizanje spomenika Esadu Arnautaliću u parku kod FIS-a

Podnosilac inicijative: Gradsko vijeće Grada Sarajeva

Zaključak Komisije za spomenike: Podizanje spomenika je od značaja za Grad Sarajevo

Realizacija: Potrebno izvršiti kompletiranje inicijative idejnim rješenjem, mikrolokacijom i finansijskim planom. Za realizaciju zadužen Grad Sarajevo.

5. Izgradnja spomen obilježja Odred Lasta

Podnosilac Inicijative: Udruženje veterana odreda policije za specijalne namjene „Lasta“

Inicijativa razmatrana na sjednici Komisije za spomenike održanoj 16.03.2018. godine

Zaključak: Podizanje spomenika je od značaja za Grad Sarajevo

Realizacija: Zahtjev za dopunu Inicijative upućen Podnosiocu, inicijativa dopunjena i razmatranje prijedloga Odluke na Komisiji za spomenike predviđeno za 19.05.2018.godine

6. Podizanje spomenika Kemalu Montenu i Dariju Džamonji u parku kod FIS-a

Podnosilac inicijative: Gradsko vijeće Grada Sarajeva

Inicijativa razmatrana na sjednici održanoj 11.04.2018. godine

Zaključak Komisije za spomenike:

„1. Komisija za spomenike konstatira da je podizanje „Spomen obilježja Kemalu Montenu i Dariju Džamonji“ u parku kraj Predsjedništva BiH, a preko puta FIS-a, podizanje spomenika od interesa za Grad Sarajevo, a u skladu sa članom 2. Odluke o podizanju spomenika od značaja za Grad Sarajevo („Službene novine Kantona Sarajevo“ broj: 12/11 i 21/16).

2. Komisija za spomenike konstatira da se očekuje da će Gradonačelnik poduzeti mjere za preispitivanje odnosa u prostoru, te statusa predmetnog parka u cjelini sa svih aspekata koji utiču na buduće rješenje, iniciranjem izrade donošenja urbanističkog projekta kojim će se jasno definirati spomenički kompleks usklađen važećom planskom dokumentacijom višeg reda (kao što je to potrebno uraditi za realizaciju inicijative za podizanje spomenika Esadu Arnautaliću u istom parku).

3. Komisija za spomenike konstatira da se očekuje da će Grad Sarajevo ovu inicijativu Gradskog vijeća dalje odraditi u skladu sa članom 6. Odluke o podizanju spomenika od značaja za Grad Sarajevo i dostaviti Komisiji za spomenike inicijativu sa kompletnom dokumentacijom, potrebnom za dalje postupanje Komisije.

Realizacija: Potrebno izvršiti kompletiranje inicijative idejnim rješenjem, mikrolokacijom i finansijskim planom. Za realizaciju zadužen Grad Sarajevo.

INICIJATIVE KOJE NISU OD ZNAČAJA ZA GRAD SARAJEVO:

1. Izgradnja spomen ploče – sjećanje na studentice Filozofskog fakulteta Selmu Agić i Editu Malkoč

Podnosilac Inicijative Filozofski fakultet u Sarajevu

Inicijativa razmatrana na sjednici održanoj dana 27.04.2018 godine

Zaključak Komisije za spomenike:

„1. Komisija za spomenike konstatira da podizanje spomenika iz razmatrane Inicijative Filozofskog fakulteta u Sarajevu za izradnju spomen ploče – sjećanje na studentice Filozofskog fakulteta Selmu Agić i Editu Malkoč nije podizanje spomenika od značaja za

Grad Sarajevo u skladu sa kriterijima iz člana 2. Odluke o spomenicima od značaja za Grad Sarajevo.

2. Komisija za spomenike daje podršku Inicijativi i upućuje inicijatora da spomenik realizira u saradnji sa nadležnim organima u Općini Centar Sarajevo.

3. Komisija za spomenike ukazuje na činjenicu da u Elaboratu o spomenicima od značaja za Grad Sarajevo na predloženoj lokaciji nije predviđeno podizanje spomenika, te je potrebno lokaciju za podizanje spomenika iz razmatrane inicijative usaglasiti sa Zavodom za planiranje razvoja KS“.

Realizacija: o donesenim zaključicima obaviještena Općina Centar dana 15.05.2018. godine.